



UNIVERSITÄTS-
BIBLIOTHEK
PADERBORN

Die XXIV. Novembris. In Festo S. Joannis à Cruce Confess.

[S.l.], [ca. 1770]

[urn:nbn:de:hbz:466:1-62753](https://nbn-resolving.org/urn:nbn:de:hbz:466:1-62753)



06


74V

1510



17/1007B

ad Pastoratum in Rheden.



Die XXIV. Novembris.

IN FESTO
S. JOANNIS à CRUCE CONFESS.
Semiduplex.

Omnia de Communi Confessoris non Pontificis, præter ea, quæ sequuntur. In Hymno: Iste Confessor. mutatur tertius versus.

Oratio.

DEus, qui sanctum Joannem Confessorem tuum perfectæ sui abnegationis & Crucis amatorem eximium effecisti; concede: ut ejus imitationi jugiter inhaerentes gloriam assequamur æternam. Per Dominum nostrum.

IN I. NOCTURNO.

Lectioes de Script. occ.

IN II. NOCTURNO.

Lectio IV.

Joannes à Cruce Fontiberi in Hispania piis Parentibus natus, à primis annis certò innotuit, quàm Deiparæ Virgini futurus esset acceptus; nam quinquennis in puteum lapsus, ejusdem Deiparæ manu sublatu, incolūmis evasit; tanto autem patiendi desiderio flagravit, ut novennis spreto molliori lecto super farmentis cubare consueverit. Adolescens Hospitio pauperum ægrotantium Metymnæ Campi famulum sese addixit, quibus magno charitatis

)(

ardo-

ardore, vilissima quæque complectens officia præsto aderat, cujus exemplo excitati cæteri eadem charitatis munera ardentius obibant. Verùm ad altiora vocatus: Beatae Mariæ Virginis de Monte Carmelo Institutum amplexus est, ubi Sacerdos ex obedientia factus, feuerioris disciplinae, & arctioris vitæ cupidissimus, primitivam Ordinis Regulam ex Superioris licentia ita professus est, ut ob jugem Dominicæ Passionis memoriam, bello in se, tamquam in infensissimum hostem indicto, vigiliis, jejuniis, ferreis flagellis, omnique poenarum genere, brevi carnem cum vitiis, & concupiscentiis suis crucifixerit: dignus planè, qui à Sancta Theresia inter Puriores, sanctioresque animas Ecclesiam Dei id temporis illustrantes recenseretur.

v. Honestum.

Lectio V.

Singulari vitæ austeritate, & omnium virtutum præsidio munitus, præ assiduâ rerum divinarum contemplatione diurnas, & mirabiles ecstases frequenter patiebatur: tantòque in Deum æstuabat amore, ut, cum divinus ignis sese intrò diutiùs continere non posset, foras erumpere, ejusque vultum irradiare visus sit. Proximorum saluti summopere intentus, tum
in

in verbi Dei prædicatione, tum in Sacramentorum administratione fuit assiduus. Hinc tot meritis auctus, strictiorisque disciplinæ promovendæ ardore vehementer accensus, Sanctæ Theresiæ comes divinitus datus est, ut, quem ipsa inter Sorores primævam Carmeli Ordinis observantiam instauraverat, eandem & inter Fratres, Joanne adjutore, restitueret. Innumeros itaque unà cum Dei Famula in divino opere promovendo perpessus labores, Cænobia, quæ ejusdem Sanctæ Virginis curâ per totam Hispaniam erecta fuerant, nullis vitæ incommodis, & periculis territus, singula perlustravit, in quibus, aliisque quamplurimis ejus operâ erectis, restauratam observantiam propagando, verbo, & exemplo firmavit: ut meritò primus post Sanctam Theresiam Carmelitarum Excalceatorum Ordinis Professor, & Parens habeatur. *v. Amavit.*


Lectio VI.


Virginitatem perpetuò coluit, impudentesque mulieres ejus pudicitia infidiari conantes non modò repulit, sed etiam Christo lucrificavit. In divinis explicandis arcanis æquè ac Sancta Theresia, Apostolicæ Sedis judicio, divinitus instructus, libros de mysticâ Theologiâ cælesti sapientiâ refertos conscripsit. Semel interrogatus à Christo, quid præ-

præmii pro tot laboribus posceret, respondit: Domine, pati, & contemni pro te. Imperio in dæmones, quos è corporibus sæpè fugabat, discretione spirituum, prophetiæ dono, miraculorum gloriâ celebratissimus, eâ semper fuit humilitate, ut sæpiùs à Domino flagitaverit, eo loco mori, ubi omnibus esset ignotus. Voti compos factus, Ubedæ diro morbo, & in crure quinque plagis sanie manantibus, ad implendum patendi desiderium, constantissimè toleratis, Ecclesiæ Sacramentis piè, sanctèque susceptis, in Christi Crucifixi amplexu, quem semper in corde, atque ore habuerat, post illa verba: In manus tuas commendo spiritum meum, obdormivit in Domino, die, & hora à se prædictis, anno salutis millesimo quingentesimo nonagesimo primo, ætatis quadragesimo nono. Migrantem ejus animam splendidissimus ignis globus excepit; corpus verò suavissimum odorem spiravit, quod etiamnum incorruptum Segobiæ honorificè colitur. Eum plurimè ante, & post obitum fulgentem signis Benedictus decimus tertius Pontifex Maximus in Sanctorum numerum retulit.

ꝛ. *Iste homo.* IN III. NOCTURNO.

Homil. S. Gregorii Papæ in Evang. Sint lumbi. De Com. Conf. non Pontif. Nona Lect. S. Chrysogoni Mart. & com. ejusd. in Laud. & Missa: Os just. de eod. Com.





P
06

IUV
1510